

## Universitätsbibliothek Paderborn

### **Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ**

Ex Vita Domini Jesu, Sanctorumque Gestis In Singulos anni dies mira  
facilitate & solertia distributæ ... ; Cum indicibus necessariis

Pars Avtvmnalis - A Dominica Decimaquinta post Pentecosten, ad  
Adventum

**Haineuve, Julien**

**Coloniæ Agrippinæ, 1665**

Die 18. Octobris. In Festo S. Lucæ. Cujus laus est in Evangelio per omnes  
Ecclesias. Quæ laus Sanctorum est in Evangelio maxima, laus est Sancto  
Lauçæ maximè propria.

**urn:nbn:de:hbz:466:1-44846**

*Iud. 5.* certamen suscepit quod memoratum est? Cur non de illa hoc ipsum dicatur quod Scriptura refert: *Cessaverunt fortis in Israhel & queverunt donec surgeret Debora, surgere et Mater in Israhel: Nova bella elegit Dominus, & portas hostium pro subvertit.*

*Judith. 15.* Cur non Idem ac de Iuditha: *Tu gloria Ierusalem, tu letitia Irael, tu honorificans populi nostri, quia fecisti curisiter, & confortatum est cor tuum?*

Adde quod ex hoc uno quod magis pati appetet quam vivere, tot eius perfectissimum Charitas actuum licet exempla colligere, quot vita actus edidit. Nam quod est purior Charitas ab omni eo quod non est Charitas, cum est major & perfectior: tunc autem est profecto purior Charitas, quod se suaque quis minus querit; Minus se vero querit qui pati appetit, nam solus patienti timor nos nobis retinet; unde vides quo usque prochri perfectionis potuerit, & quam apte propterea dictum a sancto Iacobo. *Patientia opus perfectum habet.*

Deniq; nostra inde utilitas effusa profuit; Primo quidem quod ab illa Sanctissimum habemus ordinem cum Virorum, tum Virginum, cuius non solum exemplo moveamur, sed etiam precibus & meritis singulariter adjuvemur. Hoc enim S. Tereſia singulare voluit in hac sua tota Familia, ut non magis sibi, quam roti mundo laborarent, eò luna referrent omnia, quod ipse Christus ad aeternam animarum salutem: Nec sibi aliter persuadeat flos vocacioni fuit satisfacere, nisi dimidium vitae de peccatoribus convertendis. O quale beneficium tam periverso mundo collatum! Nescis peccator unde aliquando tam boni motus resipiscit; tuum occupent animum! Carmelitani ordinis hic labor, hoc opus est. Et vos & felices animarum Zelatores, qui plures quam sciatis in aeternam provehitis beatitudinem, hoc ipso feliciores quo minus hoc scitis.

Deinde vero, nos in partem datae confusio- nis venimus, noster est iste pudor, nostra hac

*Iac. 1.*

vere cundia, qui nil minus quam pati volumus, & nihil magis quam infirmitatem praedimimus. Defecta, defecta est hodie malignantis naturae dole sitas, quae le fingit non posse quod non vult; quia nolle non ira excusat, ne cum non posse. Sed si et & suppositum illud non posse posses si velles, hoc te docet Tereſia, nec magis deinceps excusaris dicendo te non posse, quia si te nolle dices, potes amice Lector, potes pati si felis: qui vult autem libenter pati, potest id omne quod ait se non posse qui non vult pati. Solus hic defectus est quod nolis pati, defectus autem est non potestatis sed voluntarie. Hinc omne vitium ab impotientia sicut paulo ante dicebatur, omnem esse virtutis perfectionem a patientia. Quod gravis Author aperte pri dem docuit: *Matrix impotientia Tereſia in omne delictum diffundens de suo fonte varias patientias: criminum venas. Omne peccatum impotientia scribendum. Malum, impotientia est boni. Nemo impudicus non impotienti pudicitia, & improbus probitatis, & impius pietatis, & inquietus quietus.*

Id est, cum sit opus pati ad virtutem exercendam: qui non vult pati, non vult virtutem, & vult oppositum vitium; Unde hic triplex voluntatis defectus est, nolle pati, nolle virtutem, & malle vitium.

At cum primus horum defectum sit nolle pati, reliquos sustulit qui primum auferat, & qui libenter velit pati.

O quantum debet Mundus Tereſia, quem brevem salutis ac totius perfectionis viam aperuit, aut apertam monstravit! o quantum Illa mundo exprobabit, quod tam brevem & apertam salutis viam non introjerit!

Vide in 2. p. Fer. 3. Dominicæ 1. in Quadragesima. Fer. 4. Pascha. Et Feria 5. Pentecostes. Ubi haec scorsum Veritates demonstrantur.

Ab imitando Christo excusantis humanam infirmitatem infirma est & nulla excusatio. In infirmitate virtus: In impotientia potentia. Qui non satis audet in magnis, nimis audet in parvis.

## IN FESTO S. LVCAE EVANGELISTÆ.

Cuius laus est in Evangelio per omnes Ecclesiæ. 2. Cor. 8.

Hayneusue pars IV.

Die 18.  
Octobris.

lvi

VERI-

## VERITAS PRACTICA.

Quæ laus Sanctorum est in Evangelio maxima: laus eis Sancto Luçæ maxime propria.

**RATIO EST.** Quia laus Sanctorum quæ in Evangelio maxima recensetur, est continua Crucis mortificatio.

Atqui hec est sancto Luke laus maxime propria. Ergo & qua est in Evangelio maxima, illi maxime & proprie convenit: Quia cum sit simul valde practica, non minus erit Consideranti utilis, quam Sancto gloriofa.

## I. PUNCTUM.

**Q**uid de Christo Domino ac S. Ioanne Baptista dicitur qui mutuum de se testimonium perhibuerint, hoc ipsum de sanctis Paulo & Luca dici quodammodo potest qui de se invicem sic suis scriptis testantur, ut quemadmodum Lucas Paulum in illo quem de actis Apostolorum scripsit libro luculente celebrat, sic Paulus Lucam passim in epistolis egregie prædiceret atque in illa praesertim quam ad Corinthios secundam scripsit, ubi paucis multa complectitur: Misimus, inquit, fratrem cuius laus est in Evangelio per omnes Ecclesias: non solum autem, sed & ordinatus est ab Ecclesiis comes peregrinationis nostra, in hanc gratiam quæ ministratur a nobis ad Domini gloriam, & destinatam voluntatem nostram; Que postrema verba quam sunt insigne parabit clarius, si prima illa prius expenderimus, Cuius laus est in Evangelio: Non enim solum Apostolus Evangelistam laudat quod scripsit Evangelium valde accuratum & omni laude dignum, sed quod Evangelio conformem vitam ageret, seu quod ita laudabilem se præberet, ut qua laus Sanctorum est in Evangelio præcipua & maxima, laus haec illius esset. Quod certe est consideratione dignissimum, siue ut intelligatur attentius quamnam vitam degende laus sit in Evangelio maxima, siue ut agnoscatur apertius quam verè sancto Luçæ conveniat, indeque nobis ad proxim quid conferri possit.

De primo, jam supra dictum est Christum Dominum Sacri Authorem Evangelii dici à Prophetis abbreviatum Verbum simul & abbreviatis, quād in Evangelio tota vetus Scriptura

Iff. 10.

Rom. 9.

tura sic esset abbreviata, ut ipse etiam Christus Evangelium abbreviarit, cum dixit: Crucem *Luc. 9.* unicuique suam quotidie ferendam esse. ECCE in Cruce totum confitat, & in moriendo totum jaceat. Et non est alia via ad vitam, & ad veram inter-nam pacem nisi via sancte Crucis, & quotidiana mortificationis. Hoc signum Christiani, hoc *L. 2. de* Evangelii tessera, hic electorum Liber scriptus *Imit. Chr.* intus & foris. Qui sunt Christi, carnem suam cruci-fixerunt cum virtutis & concupiscentiis, hac illi nota designantur. Hoc in ipso primo ad Christians introit, deauntiasur, cum in baptismo vetus homo cruci affligitur, quam baptizatus numquam deponat ut possit cum Apostolo dicere: Semper mortificationem Iesu in corpore *2. Cor. 4.* nostro circumferentes, ut & vita Iesu manifestetur in corpore nostro. Semper enim nos qui vivimus, in mortem tradimur proper Iesum: ut & vita Iesu manifestetur in carne nostra mortalitatem. Unde & concludit, Ergo mors operatur in nobis. Id est, ergo hinc concludendum quod si quid operam laude dignum, hoc totum in Cruce & Morte est: haec est Crucis mortificatio, quæ cum Christo totum in nobis operatur. Nihil enim ad cuiusque rei perfectionem aptius, quam quod ei primum esse contulit: Unde cum à Christi Cruce & morte vita nostra spiritualis effluxerit, in una exinde propterea perfectius promovetur, & quidquid in toto laudabilius Evangelio predicatur, hoc à Cruce ferenda totum deponitur. Qui non accipit crucem suam *Matt. 16.* & sequitur me, non est me dignus, ait Dominus: quasi diceret, nihil habet quo ame meoque Evangelio commendetur, quasi diceret, qui autem accipit Crucem suam hic est me dignus, hic est quem singulariter meum agnoscet, hic est quem commendo & prædicto.

## II. PUNCTUM.

**A**TQVI haec est sancto Luke laus maxime propria.

Sic enim expressis de illo verbis Ecclesiæ, dum eius inventionem à Deo postulat: Intervenias pro nobis, quia sumus Domine, Sanctus tuus Lucas Evangelista, qui Crucis mortificationem jugiter in suo corpore pro sui nominis honore portarum. Observa illud, jugiter, quasi hoc ipsum esset quod vox Evangelica quotidie quam usurpat Dominus ubi de Cruce ferenda sermonem habet: quasi haec ipsa esset nostra Propositio, quod talis omnino fuerit sanctus Lucas,

*quale...*

qualem vult Dominus in Evangelio. Quod profecto sic expresse de illo non dicet Ecclesia, nisi singulari hac laude commendaretur; Nam orando Deum ut apud ipsum interveniat pro nobis sanctus Lucas, hanc rationem adjicit velut motivum quo nitatur oratio, qui Crucis mortificationem jugiter in suo corpore pro tuinominis honore portavimus: Quod nisi esset verum, destrueret potius orationem quam firmaret.

Confirmatur vero egregie postremis illis Apostoli verbis quae hic declaranda remisimus, Non solum autem, inquit, laus eius est in Evangelio per omnes Ecclesias, sed et ordinatus est ab Ecclesiis Comes peregrinationis nostre, quasi diceret, sic omnium iudicio mortificande carni et ferendae cruei studebat, ut dum passim quererem peregrinationis meæ Comitem qui tam multa pericula, quibus quotidie peregrinando exponit, mecum ferret, oblatus ille sit et constitutus quasi aptissimus omnium judicaretur, quod fatis innotesceret quam jugiter in suo corpore Crucis mortificationem portarer.

Quod si porrò talis esset dum Paulus datus est comes, quem putas exitisse dum Apostolum peregrinando comitatur? Nostine Paulum Apostolum? Audistis quas ille peregrinationes per universum mundum suscepit, & quæ tunc pericula subiicit? In laboribus, inquit, plurimis, in carcerebus abundantius, in plagiis supra modum, in mortibus frequenter. A Iudea quinque quadragesimas, una minus accepi. Ter virginei usum, semel lapidatus sum, ternans frangui feci; nocte et die in profundo maris fusus in tineribus sapientiis periculis fluminum, periculis latronum, periculis ex genere, periculis ex gentibus, periculis in civitate, periculis in solitudine, periculis in mari, periculis in saltibus, fratribus; in labore et aratura, in vigiliis multis, in fame et siti, in tenuinis multis, in frigore et nuditate: Praeter illa quæ extrinsecus sunt, in instantia mea quotidiana, sollicitudo omnium Ecclesiarum.

At Paule, nullumne habes comitem peregrinationis tuæ? Nullumne qui te tantum in periculis comitetur? Habeo, inquit habeo fratrem illum cuius laus est in Evangelio per omnes Ecclesias, quem & Timotheo nominam designans, Lucas est, inquit, mecum solus.

Certe hoc mirum, non jam quod Lucas sit comes Pauli, sed quod solus sit comes, quasi duo illi soli patres essent tot ferendis periculis;

quasi duo illi velut boves Evangelici juncti essent eidem jugo, sive simul universum peragarent & excolerent terrarum orbem.

O mira certe nostri laus Evangelistarum! Numquid propterea bovis similitudo præ exercitio illi convenit ex illo mystico Propheta curru qui à quatuor animalibus trahitur? Non immobandum quod ait sanctus Hieronymus de sacrificio Zaccariae Sacerdotis a quo suum Lucas Evangelium inchoat; Sed neque Isidorus qui dixerit bovis similitudinem Lucæ præstitionis competere, quod singulariter cum Apostolo, retrorsus In fidem peragendo, laborem suum contulerit: & per jugem illam Crucis mortificationem quam portabat in Corpore suo, suum Corpus exhibuerit velut sacrificium, velut hostiam viventem, Sanctam, Deo placentem, quem ipse describit Apostolus, & quem optat Dominus.

Ex. 6.

## III. P U N C T U M.

Certa est igitur Veritas; quod qua laus Sanctorum est in Evangelio maxima, laus est sancto Luca maxime propria. Quia laus illa est quæ illi per omnes Ecclesias hodie datur, quod Crucis mortificationem jugiter in suo corpore pro Dei honore portaret, & portandum doceret; & quod supremæ laudis est, sic etiam apud Deum meretur, ut singulariter pro nobis interveniret & gratiam obtineret ad eandem scilicet Crucis mortificationem nostram in statu portandam.

Opportune autem observat sanctus Augustinus in sententiis quod sicut duo sunt officio medicinae, unum quo sanatur infirmitas, aliud quo custoditur sanitas: ita sunt duo gratia dona & mortificationis opera, unum quod auctor carnis cupiditatem, aliud quod facit anima perseverare virtutem. Quasi diceret, unum ad malum evitandum, & aliud ad bonum jugiter peragendum; Nam nisi carnem mortificaveritis, secundum carnem vivetis, si autem secundum carnem vixeritis, morietis: mortificate ergo membra vestra que sunt super terram, ex quibus S. Apostoli & Augustini verbis appetere liquet, quod non minus sit necessaria vita spirituali mortificatione, quam vita corporali medicina. Quem in finem apostoli quod S. Lucas medicus fuerit, & comparanda nobis medicina modum & proximum quæ verbo & exemplo docuerit. Quod forte spectat illud Apostoli: Salutat vos Lucas.

Rom. 13.

Rom. 8.

Coloss. 3.

Coloss. 4.

Illi 2

685

*cas medicus carissimus.* Cur enim medici mentionem faceter, nisi ad aliquid medicinæ spiritualis attenderet? Unde Divus Hieronymus: *De medico corporum, inquit, in Medicum est versus animarum.* Et de illius scriptis sic præclare: *Si noverimus eorum Scriptorem esse Lucam medicum cuius laus est in Evangelio, animadvertemus pariter omnia verba illius, anima languentis esse medicinam.*

Ex multis hæc pauca quæ Ille unus resert collige, quæ sint tam familiaria & usitata, ut in mentem securant hoc ipso momen<sup>t</sup>o temporis quo aliqua trium cupiditatū, unde omnes animæ profluntur infirmitates, te invalerit. Contra cupiditatem opum: *V&e vobis divitibus, qui habitat consolacionem vestram.* Contra cupiditatem laudis & gloriae: *V&e cum benedixerint vobis homines: Vos estis qui instruatis vos coram hominibus.* Deus autem novit corda vestra, quia quod hominibus altum est, abominatione est ante Deum. Stupenda sanctentia. Contra cupiditatem carnis: *Attendite vobis ne forte*

Luc. 6.

Ibid.

Ibid. 16.

Ibid. 21.

Die 21.  
Octobris.

graventur corda vestra in crapula & ebrietate, & curia huius vita: & superveniat in vos repentina dies illa: Tamquam laqueus enim superveniet in omnes qui sedent super faciem omnis terre.

Nonne hæc sunt certa cupiditatum medicamenta? cur non his uteris? cur excusas infirmitatem cum habeas præsentem medicinam?

Nonne hinc potius argueris, quod præsente medico, torque latubibus præsentatis

medicamentis nondum convalesas? Nonne toties audivisti quod vel semel audiisse sufficeret: *Numquid resina non est in Galia, aut Medicus non est ibi?* Quare igitur non est obdela cicatrix?

Ratio in promptu est quia latuli non vis. Sed etiam putas, probat hæc ratio?

Vide in 1.p. Fer. 5. Hebd. 6. post Epiphaniam. In 3.p. Fer. 2. Hebdom. 12. In 4.p. Fer. 15. Hebdom. 18. ubi de defectu voluntatis nostræ circa sanitatem & salutem animæ.

Videri etiam potest in 3.p. Hebdomada decima quæ tota ex hodierno Evangelio de missis ad prædicandum Discipulis.

## IN FESTO S. VRSVLAE, ET SOCIARVM VIRGINVM AC MARTYRVM.

Multe filie congregaverunt divitias, Tu supergressa es universas. Proverb. 31.

### VERITAS PRACTICA.

Ad congregandas cœli divitias nihil aptius, quam aptum fieri ad congregandas cœlo animas.

RATIO EST plana & obvia, nam ad congregandas cœli divitias nihil aptius quam multa & multum posse mereri.

Sed aptum fieri ad congregandas cœlo animas, hoc est multa & multum posse mereri. Ergo ad congregandas cœli divitias, nihil aptius quam aptum fieri ad congregandas cœlo animas: Quo in præstanti opere cum excelluerit sancta Ursula, mirum quantas sibi congregari divitias, & quanti sibi congregandi viam habuerit, quibus datum est eius exemplo congregare & nutrire cœlo animas.

ANCUS ille Doctor qui ab ore aureo nomen accepit, & vulgo Chrysostomus dicitur, vix unquam purius & abundantius ex ore suo fundit aurum, quam cum de Virginitate & Virginibus sermonem habet; Nam præterquam quod singulares de hoc argumēto tractatus edidit, nulla se passim in totis quas explanat Scriptoris offerit occasio, quin tantæ Virtutis præstantiam profusori prosequatur eloquio. Cum vero Parabolam de decem Virginibus, quarum erant quinq; sapientes, & quinque fatuæ declarādam aggreditur, querit studiosæ ac sollicitè quid sit quatuor nobis Dominus hanc in persona Virginum instituit; cum præsertim in ea videatur paulo indignus habere virgines quas & fatuas nominat, & expellit à nuptiis, & se nescire affumat.

Respon-